

Es ganz herzlichs und gsägnets Danke

für die wunderbari, riisigi Ateilnahm und Zeiche vo Verbundeheit, für die unzählige liebevolle und tröschende Umarmige, für's Träge in Gedanke und im Gebät i dere schwäre Ziit und für die gläbti Liebi, wo mir zum Abschied vo eusere über alles gliebte

Jolanda «Joli» Bolliger-Kirschner

händ dörfe erfahre.

Es isch schön z'gschpüre, dass de Joli ihre Geischt und ihri Liebi i so vielne Herze inne isch und witer läbt und eus immer wieder uf verschiedeneni Arte berüere tuet. Das macht dä schwäri Verluscht es bizeli besser z'erträge!

Es ganz speziells Danke an Claude Conod, wo uf sehr iifühlsami, liebi und persönlichi Art, d'Bestattig und d'Abdankig gschtaltet hät.

Danke de Esther Wäfler für ihri wunderschöni musikalischi Begleitig am Piano.
Es herzlichs Danke a d'Margrit Meier vom Blueme-Shop für die wunderbare Blueme-Dekoratione.

Danke möchtet mir au de liebe und kompetänte Begleitig vo de Abteilig Onkologie im Kantonsspital Bade und de guete Betreuig vo de Spitex Wehntal.

Es grosses Danke au für die viele Gabe in Opferstock oder als Chärtlibiilag.
Mit grosser Freud händ mer im Name vo de Joli en schöne Batze a d'Quellähof-Stiftig dörfe überwiise.

D'Truurfamilie